



UPA 2017/132-01

24-04-2017

**Inuit Innarluutillit illersuisuat pillugu Inatsisartut inatsisaat nr. xx, xx xxx 2017-imeersoq**

Inuit Innarluutillit illersuisuat pillugu Inatsisartut inatsisaattut siunnersuut Partii Naleraq sinnerlugu imanna oqaaseqarfingissuara.

Inuit innarluutillit pisinnaatitaaffiisa soqutigisaasalu qulakkeerneqarnissaat iluaquserneqarnissaallu Partii Naleqqamiit assorujussuaq pingaartipparput, taamaammat inatsisisstatut siunnersuut tamakkiisumik taperserparput.

Aamma nuannerpoq innarluutillit illersuisoqarfiata, innarluutilinnullu illersuisup suliassai assigiinngitsut innarluutillit soqutigisaasa illersorneqarnissaat tunngasut inatsisikkut toqqammavilersorluarneqarsimammata.

Taamaaliornikkut aamma inuit innarluutillit sutigut tamatigut inuiaqatigiinni akuutinneqarnerulernissaat aammalu pisinnaatitaaffiisa eqqumaffigineqarnerulernissaat qulakkeerneqartussanngormat, pingaartumik aamma isumassorneqarnikkut kiffartuunneqarnerisigullu pisortaniit eqqumaffigineqarnerulernissaat qulakkeerneqartussanngormat.

Tassami innarluutillit illersuisuata innarluutillit pisinnaatitaaffiisa soqutigisaasalu aallunneqarnerulererisigut, innarluutilinnut ilitsersuisarnikkut, qaammarsaanikkut, ilisimasanik misilittakkanillu katersuinikkut allarpasuartigullu suliniuteqarneratigut innarluutilli pitsaanerusunik atugassaqartinneqarnerulernissaannut aqquassisiusseqataasussanngussamat.

Tassami eqqaamassuarput nunatsinniittut innarluutilippassuit saniatigut aamma innarluutilittavut danmark-imiittut 132-it arlaatigut nunatsinnut angerlartinneqartussaassangaluarmata, taakuami

aamma nunatsinni pissutsit sungiusimasatik oqaatsivut kultur-erpullu atorlugit pitsasumik kiffartuunneqartussaangaluarmata.

Taamaattumik Partii Naleqqamit nuannaarluta siunnersuummut taperseeqqilluta, suliap aappassaanneerneqannginnerani Peqqissutsimut Isumaginninnermullu ataatsimiititalami suliarineqarnissaa inassutingaarput.